



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-11-3-2188-8/22

Datum: 12.07.2022.godine

Na osnovu člana 70.stav (1) i (3) te člana 24. stav 1. tačka a) Zakona o javnim nabavkama Bosne i Hercegovine ("Službeni glasnik BiH", broj: 39/14), i Zapisnika o pregledu i ocjeni ponude od 07.07.2022.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU
o izboru najpovoljnijeg ponuđača

I

Ovom odlukom Općinski načelnik, općine Tešanj je nakon provedenog pregovaračkog postupka bez objave obavještenja za dodatne radove koji nisu uključeni u prvobitno zaključen ugovor "Izgradnja primarne, sekundarne, tercijarne kanalizacione mreže i kućnih priključaka", Lot-2 Spajanje postojećih ispusta kanalizacije na izgrađeni primarni kolektor broj:02-11-3-4275-31/20 od 10.06.2021.godine donio odluku o dodjeli ugovora.

II

Za ponuđača za izvođenje radova iz tačke I ove Odluke odabran je ponuđač Konzorcij DOBOJPUTEVI DD Doboj Jug, PUTOVI doo Grude i BALEGEM doo Gradačac po cijeni od 11.137,30KM (slovima: jedanaesthiljadastotinutridesetsedam i 30/100 konvertibilnih maraka) bez PDV-a, odnosno sa PDV-om u iznosu od 13.030,64KM (slovima: trinaesthiljadatrideset i 64/100 konvertibilnih maraka).

III

Za realizaciju Odluke zadužuje se Služba za društvene djelatnosti i investicije, općine Tešanj.

IV

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav 2. Zakona o javnim nabavkama.

V

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6.Zakona o javnim nabavkama.

Obrazloženje

Izvođač radova je svojim aktom broj:01/1-221/2022 od 11.02.2022.godine podnio zahtjev za priznanje nepredviđenih radova po ugovoru broj:02-11-3-4275-31/20 od 10.06.2021.godine te uz isti dostavio dokument broj:01/1-193/2022 od 09.02.2022.godine Analiza cijena (Detaljne analize o relevantnim sastavnim dijelovima cijene) po pozicijama.

Dodatni radovi koji nisu bili uključeni u prvobitno zaključen ugovor su nastali zbog projektovanja spoja 1 od strane JP Rad Tešanj i promjene u visini prelaza preko vodotoka te je bilo neophodno ugrađivanje čelične cijevi fi 460mm kao zaštitne kanalizacione cijevi kroz vodotok. Cijev se izvela kako bi se zaštitila cijev od erozionog dejstva vode i zbog prevencije oštećenja materijala koji donosi riječni tok. Takođe je prilikom realizacije radova na spoju „Kružni tok“ shodno rješenju Kantonalne direkcije za ceste radi nesmetanog protoka saobraćaja bilo potrebno demontirati i skladištiti kompletnu odbojnu ogradu sa stubovima kako bi se obezbijedilo nesmetano odvijanje saobraćaja prilikom izvođenja radova. Takođe je prilikom izvođenja ovih radova izvođač naišao na stijenu koju je bilo potrebno djelomično kavati kako bi se radovi izveli prema projektu. Sve navedeno postalo je

neophodno za izvršenje i ovi dodatni radovi nisu se mogli tehnički odvojiti od osnovnog ugovora, a što je centralni Nadzor svojim aktom broj:TECO3b-007 od 29.03.2022.godine i potvrdio.

Ugovorni organ je na osnovu zahtjeva nadležne službe donio dana 16.06.2022.godine Odluku o pokretanju pregovaračkog postupak bez objave obavještenja za dodatne radove koji nisu uključeni u prvobitno zaključeni ugovor "Izgradnja primarne, sekundarne, tercijarne kanalizacione mreže i kućnih priključaka", Lot-2 Spajanje postojećih ispusta kanalizacije na izgrađeni primarni kolektor broj:02-11-3-4275-31/20 od 10.06.2021.godine, te Informacijsko obavještenje broj:02-11-3-2188-3/22 od 16.06.2022.godine koje je u skladu sa članom 28. stav 4. Zakonom o javnim nabavkama („Sl. Glasnik BiH" broj:39/14) postavljeno na web stranici Općine Tešanj. Ugovorni organ je ponuđaču Konzorcij DOBOJPUTEVI DD Doboj Jug, PUTOVI doo Grude i BALEGEM doo Gradačac dostavio dana 16.06.2022.godine poziv uz tendersku dokumentaciju za dostavu ponude u pregovaračkom postupku bez objave obavještenja za pregovore dana 07.07.2022.godine u 11:00 sati .

U postupku procjene vrijednosti ponude pristigle u pregovaračkom postupku bez objave obavještenja, a radi izbora najpovoljnijeg ponuđača za nabavku dodatnih radova koji nisu uključeni u prvobitno zaključeni ugovor "Izgradnja primarne, sekundarne, tercijarne kanalizacione mreže i kućnih priključaka", Lot-2 Spajanje postojećih ispusta kanalizacije na izgrađeni primarni kolektor broj:02-11-3-4275-31/20 od 10.06.2021.godine, Komisija za javne nabavke je Zapisnikom broj:08-11-3-2188-7/22 od 07.07.2022.godine utvrdila da ponuda ponuđača Konzorcij DOBOJPUTEVI DD Doboj Jug, PUTOVI doo Grude i BALEGEM doo Gradačac broj:01/1-1290/2022 od 07.07.2022.godine (protokol ugovornor organa broj:08-11-3-2188-6/22 od 07.07.2022.godine) sadrži svu potrebnu dokumentaciju te da je ista sa ponuđenim cijenama prihvatljiva, te je Komisija shodno tome predložila ugovornom organu da sa ponuđačem Konzorcij DOBOJPUTEVI DD Doboj Jug, PUTOVI doo Grude i BALEGEM doo Gradačac potpiše ugovor za dodatne radove koji nisu uključeni u prvobitno razmatrani projekat ali usljed nepredviđenih okolnosti postali su neophodni za izvršenje osnovnog ugovora.

Uzimajući u obzir sve navedeno, a primjenom člana 64. stav 1. tačka b) a u vezi sa članom 24. stav 1. tačka a) Zakona o javnim nabavkama Bosne i Hercegovine ("Službeni glasnik BiH", broj: 39/14) odlučeno je kao u dispozitivu ove odluke.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđač,
2. Služba za društvene djelatnosti i investicije,
3. Web stranica općine (elektronski),
4. Predmet.



OPĆINSKI NAČELNIK

mr.sci. Suad Huskić